

सपना में देख्यो रे म्हाने,
श्याम धणी दातार ।

दोहा निरखुं शोभा सांवरा,
पलकां लेऊं बसाय,
जब चाहुं दरशण करुं,
राखुं खूब सजाय ।

सपना में देख्यो रे म्हाने,
श्याम धणी दातार,
हाथ फेर के सर पे बोल्यो,
बाबो लखदातार,
बावला क्यूं घबरावै रे,
संकट का बादल जीवन में,
आवै जावै रे,
नैण क्यूं नीर बहावै रे,
तेरे साथ मै खड्यो बावला,
क्यूं घबरावै रे ॥

मोरछड़ी हाथां में ,
सैणों बागो घेर घुमेर,
हंस के गले लगायो बाबो,
जाणै कितणी देर,
मेरो हिवड़ो हरषावै रे,
केसर की बा महक आज भी,

जियो लुभावै रे,
बात भूली नहीं जावै रे,
तेरे साथ मैं खड़्यो बावला,
क्यूं घबरावै रे ॥

बागीचै फुलवारी जैयां,
हिवड़ो खिल गयो रे,
रोम रोम सें मिली बधाई,
ठाकुर मिल गयो रे,
जनम यो मिलतो जावै रे
बात नहीं छोटी बाबो, सपनां में आवै रे
रोवतां धीर बंधावै रे
तेरे साथ मैं खड़्यो बावला,
क्यूं घबरावै रे ॥

चरण धोय के सांवरिया,
चरणामत पिऊं रे,
लहरी चाकर बणकै तेरो,
हर घड़ी जीऊं रे,
मोर मन झूम्यो जावै रे,
देख देख तनै श्याम सुरीली,
तान लगावै रे,
चैन की नींदा आवै रे,
तेरे साथ मैं खड़्यो बावला,
क्यूं घबरावै रे ॥

सपना मे देख्यो रे म्हाने,
श्याम धणी दातार,

हाथ फेर के सर पे बोल्यो,
बाबो लखदातार,
बावला क्यूं घबरावै रे,
संकट का बादल जीवन में,
आवै जावै रे,
नैण क्यूं नीर बहावै रे,
तेरे साथ मैं खड़्यो बावला,
क्यूं घबरावै रे ॥

Singer Uma Lahari Ji

Source:

<https://www.bharattemples.com/sapna-me-dekhyo-re-mhane-shyam-dhani-datar/>



Bharat Temples

Complete Bhajans Collections - Download Free Android App

<https://play.google.com/store/apps/details?id=com.numetive.bhajans>

Facebook: <https://www.facebook.com/bharattemples/>

Telegram: <https://t.me/bharattemples>

Youtube: <https://www.youtube.com/channel/UC24oJCxZJyhhKzSUD-Lt9Tw>